

nigro-fuscis; membrana nigricante, venis sangvineis, brachiali fusca, areola minore arcuque exteriore venas terminante hyalinescentibus; antennis articulo tertio secundo solum paullulum brevior. Long. ♂  $5\frac{3}{4}$  mm.

Baba-Dagh!, duo specimina, D. U. Sahlberg.

### 5. *Megacoelum sordidum* Reut.

Elongatum, parum convexum, cinerascenti-testaceum vel fuscescenti-griseo-flavens, glabrum, nitidum, antennis pedibusque concoloribus, femoribus posticis longis linearibus, apicem versus fuscescentibus, signaturis nullis, membrana cum venis nigro-fusca; femoribus solum apice spinulis duabus fuscis geminatim positis armatis, tibiis spinulis fuscis sat gracilibus crassitiei tibiae aequae longis. Long. ♂  $8\frac{1}{3}$  mm.

Aegyptus (Fajum! d. 8 febr.), DD. J. et U. Sahlberg.

A speciebus reliquis palaearticis statura magis elongata et minus convexa mox distinguendus. Caput basi pronoti fere duplo angustius, a supero visum pronoto fere  $\frac{1}{3}$  brevius, fortiter transversum, vertice maris oculo circiter  $\frac{2}{5}$  angustius, linea media longitudinali impressa; ab antico visum latitudine parum brevius, a latere visum altitudine magis quam  $\frac{2}{5}$  brevius. Oculi fusci, granulati, maris maximi, usque ad gulam extensi, orbita interiore fortiter sinuati, a supero visi transversi. Antennae ad medium marginis interioris oculorum insertae, articulo primo capite ab antico viso distincte brevior, setis rigidis destituto, tribus ultimis aequae crassis, secundo primo paullo minus quam triplo et latitudine basali pronoti circiter  $\frac{1}{4}$ — $\frac{2}{5}$  longiore, tertio secundo distinctissime brevior. Pronotum latitudine basali  $\frac{3}{7}$ — $\frac{2}{5}$  brevius, apice quam basi fere triplo angustius, disco postico convexo versus apicem sat leviter declivi, transversim leviter strigoso, lateribus rectis, margine basali late rotundato, medio anguste subsinuato. Scutellum basi detecta declivi, parte apicali convexa, transversim dense tenuiter strigulosa. Hemelytra maris parallela, plana, scutello saltem quadruplo longiora, margine apicali corii basique cunei interdum in ferrugineum vergentibus. Femora postica longa, linearia.